

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» հոկտեմբերի 2015թ.

N-----Ա

ՈՐՈՇՈՒՄ

ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ

Հիմք ընդունելով Հայաստանի Հանրապետության քաղաքաշինության նախարարի 2015 թվականի ապրիլի 09-ի թիվ 01/01/1759/15 գրությունը և ղեկավարվելով Հայաստանի Հանրապետության հողային օրենսգրքի 71-րդ հոդվածի 3-րդ մասով՝

Երևան քաղաքի ավագանին որոշում է.

Տալ համաձայնություն «Ինտեր ասոցիացիա» սահմանափակ պատասխանատվությամբ ընկերությանը (անշարժ գույքի սեփականության (օգտագործման) իրավունքի գրանցման 18.03.2009 թվականի հ.2564494 վկայական) և Գոհար Վանիկյի Առաքելյանին (անշարժ գույքի սեփականության (օգտագործման) իրավունքի գրանցման 18.03.2009 թվականի հ.2564495 վկայական) բաժնային սեփականության իրավունքով պատկանող Երևան քաղաքի Զաքյան փողոցի հ.5/3 և 5/4 հասցեներում գտնվող 0.04501 հա մակերեսով հողամասից 0.03811 հա հողամասը Երևան համայնքի սեփականությունը հանդիսացող Երևան քաղաքի Զաքյան փողոցի հ. 5 հասցեի հարևանությամբ գտնվող 0.011414 հա մակերեսով հողամասի հետ փոխանակելու համար:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Հայաստանի Հանրապետության քաղաքաշինության նախարարի 2015 թվականի ապրիլի 09-ի թիվ 01/01/1759/15 գրության համաձայն՝ Երևան քաղաքի Վազգեն Սարգսյան հ. 3 հասցեում կառուցվող վարչական նոր համալիրի գլխավոր հատակագծով նախատեսված վարչական մասնաշենքերին և քաղաքային նշանակության «Պուրակ» ենթակայանին սպասարկող ճանապարհներն իրականացնելու նպատակով անհրաժեշտություն է առաջացել ապամոնտաժել Երևան քաղաքի Զաքյան փողոցի հ. 5/4 հասցեում Գոհար Վանիկի Առաքելյանին և «Ինտերասոցիացիա» սահմանափակ պատասխանատվությամբ ընկերությանը պատկանող շինությունը: Միաժամանակ տեղեկացվել է, որ սեփականատերերի հետ ձեռք է բերվել նախնական պայմանավորվածություն կնքվող պայմանագրի հիման վրա փոխել վերջիններին պատկանող հողամասի չափերը և եզրագծերը և ապամոնտաժվող շինության փոխարեն սահմանված կարգով համաձայնեցված նախագծի հիման վրա, նոր եզրագծով հողատարածքի սահմաններում կառուցել համալիրի շինարարության ծրագրերում ընդգրկված, նույն մակերեսով շինության հիմնակմախքը և հանձնել սեփականատերերին:

Համաձայն Հայաստանի Հանրապետության հողային օրենսգրքի 71-րդ հոդվածի 3-րդ մասի և Հայաստանի Հանրապետության կառավարության 2001թ. ապրիլի 12-ի հ. 286 որոշմամբ հաստատված կարգի 32-րդ կետի՝ համայնքի վարչական սահմաններում, համայնքի սեփականությունը հանդիսացող հողամասերը փոխանակվում են համայնքի ավագանու համաձայնությամբ՝ համայնքի ղեկավարի որոշման հիման վրա:

Վերը նշվածի հիման վրա սույն նախագծով առաջարկվում է «Ինտերասոցիացիա» սահմանափակ պատասխանատվությամբ ընկերությանը (անշարժ գույքի սեփականության (օգտագործման) իրավունքի գրանցման 18.03.2009 թվականի հ.2564494 վկայական) և Գոհար Վանիկի Առաքելյանին (անշարժ գույքի սեփականության (օգտագործման) իրավունքի գրանցման 18.03.2009 թվականի հ.2564495 վկայական) բաժնային սեփականության իրավունքով պատկանող Երևան քաղաքի Զաքյան փողոցի հ.5/3 և 5/4 հասցեներում գտնվող 0.04501 հա մակերեսով հողամասից 0.03811 հա հողամասը փոխանակել Երևան համայնքի սեփականությունը հանդիսացող Երևան քաղաքի Զաքյան փողոցի հ. 5 հասցեի հարևանությամբ գտնվող 0.011414 հա մակերեսով հողամասի հետ:

ԵՐԵՎԱՆԻ ՔԱՂԱՔԱՊԵՏ՝

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք

**«ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ
ԿԱՄ ԲԱՑԱԿԱՑՈՒԹՅԱՆ ՄԱՍԻՆ**

Երևան քաղաքի ավագանու «Հողամասերի փոխանակությանը համաձայնություն տալու մասին» որոշման նախագծի ընդունման առնչությամբ այլ իրավական ակտի ընդունման անհրաժեշտություն չկա:

Տ Ե Ղ Ե Կ Ա Ն Ք

**«ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ
ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Հողամասերի փոխանակությանը համաձայնություն տալու մասին» որոշման նախագիծը ընդունելու կապակցությամբ Երևանի բյուջեի եկամուտներում և ծախսերում փոփոխություններ չեն սպասվում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ